

KIDS-COACH AUSBILDUNGEN (Modul 1 vun der partie spécialisée am LUXQF 3 Dëschttennis)

- 1. Méiglechkeet: 02. + 03. Januar 2025 zu Canach
- 2. Méiglechkeet: 10.1./11.1./17.1./18.1. an der COQUE

An Zesummenaarbecht tëschent der INAPS an der FLTT

Déi 1. Etapp zu enger Ausbildung als Trainer am Dëschttennis ass d'Kids Coach Ausbildung. Sou eng Formatioun hat den Dëschttennisverband zesumme mat der INAPS, déi fir d'Trainerausbildung an alle Sportarten zoustänneg ass, fir den 30. an 31. Oktober 2024 geplangt. Leider hate sech net genuch Interessent*innen fir des Ausbildung interesséiert, sou datt si leider huet missen ofgesot ginn.

Glécklecherweis waren awer nach zwou weider Kids Coach Ausbildung geplangt, déi d'INAPS zougesot hat, an zwar

- eng den Donneschdeg, 2. an Freideg, 3. Januar 2025 zu Canach,
- an eng weider den 10./11./17./18. Januar an der Coque

De Kids Coach zu Canach gëtt organiséiert op de leschten Deeg vun der Krëscht-Vakanz an Zesummenaarbecht mat dem DT Lenneng mat dësem Programm.

Titres Cours	Cours	Dates	Horaire	Lieu
Les exigences du TT	3	02.01.2025	09h00-12h00	Centre Sportif et Culturel "A Wëllems" zu Canach
Être enfant – pratique à la table	3	02.01.2025	13h30-16h30	Centre Sportif et Culturel "A Wëllems" zu Canach
Particularités chez l'enfant	3	03.01.2025	09h00-12h00	Centre Sportif et Culturel "A Wëllems" zu Canach
Premières expériences avec la raquette et la balle	3	03.01.2025	13h30-16h30	Centre Sportif et Culturel "A Wëllems" zu Canach

Parallel zum Kids Coach fënnt zu derselwechter Zäit zu Canach e veräinsoffene Léiergang fir Spiller statt. D'Ausschreiwung fir déise Léiergang fannt dir och an dësem BIO.

Mat dem zweeten Angebot wëlle mir deene Leit entgéintkommen, déi daagsiwwer net disponibel sinn. De Programm ass deen hei:

Titres Cours	Cours	Dates	Horaires	Lieu
Les exigences du TT	3	10.01.2025	18h00-21h00	Coque Kirchberg
Être enfant – pratique à la table	3	11.01.2025	9h00-12h00	Coque Kirchberg
Particularités chez l'enfant	3	17.01.2025	18h00-21h00	Coque Kirchberg
Premières expériences avec la raquette et la balle	3	18.01.2025	9h00-12h00	Coque Kirchberg

De Kids Coach ass wéi bekannt den 1. Modul vun der partie spécialisée vun der formation de base LUXQF3. Sait e puer Wochen fannt dir schon am BIO d'Ausschreibung fir d'Ausbildung zum LUXQF3 – Trainer.

D'Zil vum Kids Coach Modul ass et, Ufänger fir eise Sport ze begeeschteren a si bei hiren éischte Schrëtt am Training an an de Competitiounen ze begleeden an ze betreien. Des Offer riicht sech un all déi, di wëllen Trainer, Coach oder Betreier am Dëschttennis ginn a Kleng a Grouss d' Freed un eise Sport vermëttelen wëllen. De Kids Coach adresséiert sech och u Jugendlecher a besonnesch och un Elteren. Virun allem fir d'Responsable Jeunes an de Veräiner misst dat interessant sinn.

Fir un dem Kids Coach-Modul deelzehuelen musst dir kee gudde Spiller sinn an dir musst och keng Erfahrung mat der Ausbildung hunn. Dir braucht och keng Lizenz bei eise Verband.

Eng Umeldung aleng fir de Kids Coach ass awer net méiglech, et gëllen di selwecht Bedingungen wéi fir d' Umeldung zum LUXQF 3:

- e gültigen certificat médical, datt een apte ass fir Sport ze maachen, sou wéi e vum service médico-sportif ausgestallt gëtt.
- eng préinscriptioun iwwer deen eegene Myguichet
- De Mindestalter ass prinzipiell ob 14 Joer festgeluegt, allerdings kann een sech awer eréischt mat 17 Joer fir d' partie pratique umellen. Den Examen vun der ganzer Formatioun LUXQF3 an den entsprechenden Diplom kann een eréischt mat 18 Joer kréien. Wie méi fréi drun, huet awer mol schonn de Kids Coach (LUXQF1) an der Täsch.

Informatiounen iwwer d' Umeldung fannt dir op <https://inaps.public.lu/fr/support/recherche-formation.html>. Do gitt dir dann op d' "Formation de base LUXQF3 Entraîneur de tennis de table" a clickt "s'inscrire" un! Fir déi weider Prozedur vun der Umeldung haalt dir iech un d' Informatiounen um Site vun der INAPS.

Wien nëmmen de Modul "Kids Coach" mécht a net mat der Ausbildung zum LUXQF 3 wëll weiderfueren, kritt de Certificat vum LUXQF1. Wien dann déi ganz partie théorique vun der partie théorique matmécht, also och de Modul 2 La pratique du Tennis de table (25 Stonnen) an de Modul 3 Didactique et méthodologie de la formation en Tennis de table (17 Stonnen) kritt de Certificat vum LUXQF2.

Mir hoffen, datt vill Leit Loscht un der Aarbecht mat de Jonken am Training, bei Léiergäng a bei Compétitiounen fannen a duerno déi ganz Formatioun vum LUXQF3 maachen. D' Veräiner brauchen och Leit, déi des Formatioun ofgeschloss hunn, wa si wëllen an de Genoss vum Subside Qualité+ kommen, duerch deen de Veräiner eng grouss finanziell Ënnerstëtzung vum Ministère des Sports accordéiert gëtt.

Verpass d' Geleeënheet net a schreif dech an. A wann dir nach Froen hutt, da kontaktéiert d' Sekretariat vun der FLTT oder de Philippe Moulin iwwer d' Nummer 691 320 553 oder iwwer Mail pmoulin@fltt.lu.

Commission des Programmes vum Deschttennis an der INAPS (Institut National de l'Activité Physique et des Sports) :

Henri Dielissen

Romain Sahr

Jeff Haliniak

Tom Schmit

Chargé de formation et de développement – tennis de table:

Philippe Moulin

Sportdirektor FLTT

Heinz Thews